

CENTRO CAIQUETIO TA HAYA CU DAK GRANDI

ORANJESTAD (AAN):
Conseho Parokial Paradera
tin diferente plan pa amplia su
facilidadnan na Centro
Caiquetio.

E prome fase ta encera con-
struccion di un dak espacioso
pabao di e Centro, unda ac-
tividadnan por tuma lugar den
dia tambe y lo no tin problema
cu yobida. Tambe por prac-
tica deporte manera volley.

E proyecto aki ta e primer
fase y ta ensera un inversion
di Afl. 150.000.

Cede-Aruba ta financia
75%, mientras cu Conseho
Parokial Paradera ta cubri e
resto. E contratista ta Charity
Contractors N.V. di Sr. Juan
Feliciano.

Diseño y supervision di e
proyecto ta na encargo di Lu-
cas Croes di ARCHI-TECH.

Diabierna a yega e punto
mas halto y pronto e facilidad
aki ta den operacion pa cum-
pli cu un necesidad grandi di
parti di e diferente organi-
zacionnan cu ta haci uso di e
Centro.

Den futuro cercano lo sigui
cu e otro fasenan.

E dak ta traha di Galvalum,
cu a ser traha specialmente pa
resisti contra corrosion.

DIARIO a compronde
tambe cu lo bin iluminacion
special pa e.o. practica de-
porte y pa tin actividadnan so-
cial, manera fiesta y bingo.

